

ভ্যাম্পায়ারের গুজব, মালাউইয়ে নিহত ৭

লিলনগোই, ১১ অক্টোবর : মানুষের মধ্যে নাকি ছড়াচ্ছে ভ্যাম্পায়ার (রক্তচোষা বাতু) এর উপসর্গ। গুজব রটতে, তাদের মধ্যে এই লক্ষণ দেখা যাচ্ছে তাদের নাকি আচার-আচরণ পুরোপুরি বদলে যাচ্ছে। মানুষ থেকে ভ্যাম্পায়ারে পরিণত হয়েছে সন্দেহে ইতিমধ্যেই অন্তত ৭ জনকে খুন করেছে আতঙ্কিত জনতা। বেশ কয়েকটি এলাকায় গ্রামবাসীরা রাস্তা কেটে যান চলাচল বন্ধ করে দিয়েছেন। শশস্ত্র জনতা ভ্যাম্পায়ারের খোঁজে তল্লাশি চালাচ্ছে। ঘটনাটি ঘটেছে দক্ষিণ-পূর্ব আফ্রিকার মালাউইয়ে। পরিষ্কৃত সামলাতে দেশজুড়ে নেশ কার্ফিউ জারি করেছে প্রশাসন। সেদেশের প্রেসিডেন্ট আর্থার পিটার মুতারিকা জানান, ভ্যাম্পায়ারের গুজব কীভাবে ছড়াল সেবিষয়ে তদন্তের নির্দেশ দেওয়া হয়েছে। আপাতত সন্ধ্যা সাতটা থেকে ১০ ঘটনা করে দেশে কার্ফিউ জারি থাকবে। বিশেষ প্রয়োজন না হলে রাতের দিকে মানুষকে বাড়ির বাইরে না আসার পরামর্শ দিয়েছে প্রশাসন। ভ্যাম্পায়ার সন্দেহে একের পর এক মৃত্যুর ঘটনায় উদ্ভিগ্ন রাষ্ট্রসংঘ। স্পর্শকাতর এলাকাগুলি থেকে কমান্ডের নিরাপদ জায়গায় চলে যাওয়ার নির্দেশ দিয়েছে তারা। আন্তর্জাতিক সংস্থাটি জানিয়েছে, কিছুদিন আগে মৌজাম্বিকের এই ধরনের একটি গুজব ছড়িয়েছিল। কিন্তু তদন্তের পর এ বিষয়ে কোনো স্পষ্ট প্রমাণ পাওয়া যায়নি।



কী বলেন রাষ্ট্রপতি, শুনছেন কাতালুনিয়ার স্বাধীনতাকামীরা। - পিটিআই

কাতালুনিয়ার স্বাধীনতা ঘোষণা স্থগিত হল

মাদ্রিদ, ১১ অক্টোবর : গণভোটে স্বাধীনতার পক্ষে নাগরিকদের সংখ্যাগরিষ্ঠ অংশ মত দিলেও কাতালুনিয়ার স্বাধীনতা ঘোষণা আপাতত স্থগিত রাখা হয়েছে। ইতিমধ্যেই স্বাধীনতা আন্দোলনের নেতা কার্লোসো পুজদেমেন সহ প্রাদেশিক আইনসভার অন্য সদস্যরা স্বাধীন রাষ্ট্র গঠনের ঘোষণাপত্রে সই করেছেন। পুজদেমেন বলেছেন, স্পেন সরকারের সঙ্গে আলোচনা চলা পর্যন্ত তারা স্বাধীন রাষ্ট্র গঠনের ঘোষণা আপাতত স্থগিত রাখছেন। এ বিষয়ে স্পেনের কাছ থেকে অবশ্য কোনো ইতিবাচক সাদৃশ্য মেলেনি। স্বাধীনতাকামীরা তাঁদের ঘোষণাপত্রে বলেছেন, 'কাতালুনিয়াকে একটি স্বাধীন ও সার্বভৌম রাষ্ট্র হিসেবে স্বীকৃতি দিতে আমরা বিশ্বের সব দেশ ও সংস্থার কাছে আহ্বান জানাচ্ছি। যদিও স্বাধীন কাতালুনিয়া রাষ্ট্র গঠনের দাবিকে পরোক্ষ খারিজ করে দিয়েছে ইউরোপীয় ইউনিয়ন (ইইউ)। রাষ্ট্রভাঙের তরফে জানানো হয়েছে, স্পেন থেকে আলাদা হলে ইউ-র সদস্যপদ পাবে না কাতালুনিয়া। স্পেন সরকার বলেছে, ১ অক্টোবরের গণভোটকে স্বীকৃতি দিচ্ছে না তারা। তাদের বক্তব্য, আদালতের নির্দেশকে উপেক্ষা করে এই গণভোটের

আয়োজন করা হয়েছিল। সংখ্যাগরিষ্ঠ জনগণ নির্বাচনে অংশ নেননি। মাত্র ৪৩ শতাংশ মানুষ ভোটে দিয়েছেন। এই ধরনের বেআইনি কাজকে স্বীকৃতি দেবে না সরকার। কাতালুনিয়ার স্বাধীনতাপন্থী রাজনৈতিক নেতৃত্বের সঙ্গে কোনোভাবেই আলোচনায় বসতে রাজি নয় স্পেন। সেদেশের উপ-প্রধানমন্ত্রী সোরায়ো সামানোজ দ্য সান্তামারিয়া বলেন, কোনো প্রদেশের স্পেন থেকে বেরিয়ে যাওয়ার অধিকার নেই। আইনের মধ্যে থেকেই আলোচনা হতে পারে। পরিষ্কৃত পর্যালোচনা করতে মন্ত্রিসভার বৈঠক ডেকেছেন প্রধানমন্ত্রী মারিয়ানো রাজায়। প্রসঙ্গত, স্পেনের জনসংখ্যার মাত্র ১৬ শতাংশ কাতালুনিয়ায় বাস করলেও সেদেশের জিডিপি ১৯ শতাংশের অধিকার এই অঞ্চল। প্রত্যক্ষ বিদেশি বিনিয়োগের ২০.৭ শতাংশ যায় কাতালুনিয়ায়। ১৯৭৮ সাল থেকে কয়েকটি ক্ষেত্রে তারা বিশেষ অধিকার ভোগ করেছে। ২০০৬ সালে নতুন আইন পাস করে কাতালুনিয়ার আলাদা জাতির মর্যাদা দিয়েছিল স্পেন সরকার। কিন্তু পরে সাংবিধানিক আদালতের নির্দেশে তা বাতিল হয়ে যায়।

প্রতিবাদ চিনের

বেজিং, ১১ অক্টোবর : দক্ষিণ চীন সাগরে বিভিন্ন কার্যকলাপ এবং ঘটনার দৃষ্টিতে বহুদিন থেকেই আন্তর্জাতিক মহলে বিতর্ক চলছে। এই বিতর্ক প্রধানেই অভিযোগ উঠেছে চিনের বিরুদ্ধে। এবার সেখানেই ঢুকে পড়েছে মার্কিন যুক্তরাষ্ট্র। ঘটনায় তুন্দ চীন রাষ্ট্রসংঘের বিরুদ্ধে প্রতিবাদ জানিয়েছে। চিনের বিদেশ মন্ত্রক জানিয়েছে, মার্কিন দৌরাধীনীর একটি মিসাইল উত্তর চীনের আন্তর্জাতিক জলসীমার অতিক্রম করে। জায়গাটি দক্ষিণ চীন সাগরের সাংসা দ্বীপের কাছে। খবর পাওয়া মাত্র বিদেশি যুদ্ধজাহাজকে চিহ্নিত করতে সেখানে একটি যুদ্ধজাহাজ ও বিমান পাঠায় বেজিং। মার্কিন জাহাজকে চিহ্নিত করার পর আমেরিকাকে সতর্কও করে চীন। বলা হয়, ওই জায়গা ছেড়ে চলে যেতে হবে মার্কিন যুক্তরাষ্ট্রকে।

১৩ নভেম্বর থেকে শুরু শীতকালীন অধিবেশন

বিশেষ সংবাদদাতা, নয়াদিল্লি, ১১ অক্টোবর : আগামী ১৩ নভেম্বর থেকে দিল্লিতে শুরু হতে চলেছে সংসদের শীতকালীন অধিবেশন। এদিন সংসদ সূত্রে জানা গিয়েছে, বর্ষাকালীন অধিবেশনে স্থান না পাওয়া বহু বিল পেশ হবে এই অধিবেশনে। সরকারিভাবে এখনও তেমন কোনো নির্দেশিকা না এলেও সংসদীয় কার্যনির্বাহীমন্ত্রক শুরু হয়ে গিয়েছে প্রস্তুতি। অন্যদিকে, দেশীয় বাজারে পরিশোধিত ও অপরিশোধিত তেলের আকাশচুম্বী দাম, গৈরিকীকরণের রাজনীতি, অমিত-পূজ জয় শা-এর 'অপ্রত্যাশিত' সম্পত্তি বিভিন্ন বিরোধী দলের নেতার বিরুদ্ধে সিবিআই তদন্ত, এমন সব ইস্যু নিয়ে মোদি সরকারের বিরুদ্ধে সরব হতে তৈরি হচ্ছে বিরোধীরা। জানা গিয়েছে, ডি সেহ্নের র শেখ ও জয়রী টি বিধানসভা নির্বাচনে কেন্দ্র করে সংসদে সরকারকে চাপে ফেলার নানা কৌশল নিচ্ছে বিরোধী শিবির।

বৌদ্ধ-মুসলিম উত্তেজনা কমাতে সক্রিয় সু কি

নেপাল, ১১ অক্টোবর : রাখাইনে মায়ানমারের সেনা অভিযান শুরু হওয়ার পর ছয় সপ্তাহ কেটে গিয়েছে। রাষ্ট্রসংঘের হিসেবে ১৭ লক্ষ রোহিঙ্গার মধ্যে ৯ লক্ষই এখন বাংলাদেশে আশ্রয় নিয়েছেন। বাংলাদেশের বিদেশমন্ত্রী এএইচ মেহমুদ আলি জানিয়েছেন, রাখাইনে এতদিন বৃথিউৎ ও মংডু অঞ্চলে রোহিঙ্গার সংখ্যাগরিষ্ঠ ছিলেন। কিন্তু এখন এলাকা দুটি কার্যত রোহিঙ্গাশূন্য। এখনও সেখানে অভিযান চালাচ্ছে মায়ানমারের সেনাবাহিনী। রাষ্ট্রসংঘের শরণার্থী কমিশন জানিয়েছে, সেপ্টেম্বর মাসের শেষদিকে রোহিঙ্গাদের বাংলাদেশে আসার প্রবণতা কিছুটা কমেও অক্টোবরের প্রথম সপ্তাহে তা ফের গতি পেয়েছে। মায়ানমার সেনার শীর্ষ আধিকারিকদের বিরুদ্ধে নিষেধাজ্ঞা জারির ইঙ্গিত দিয়েছে আমেরিকা ও ইউরোপীয় ইউনিয়ন। এই পরিস্থিতিতে দেশে সাম্প্রদায়িক সম্প্রীতি ফিরিয়ে আনতে ইয়াঙ্গনে সর্বধর্ম প্রার্থনার আয়োজন করেছিল আঙ সান সু কি-র দল ন্যাশনাল লিগ ফর ডেমোক্রাসি (এনএলডি)।

সেখানে বৌদ্ধ, মুসলিম, হিন্দু ও খ্রিস্টান সহ বিভিন্ন ধর্মের কয়েক হাজার প্রতিনিধি উপস্থিত ছিলেন। তাদের অনেকেই হাতে সু কি-র ছবি দেখা গিয়েছে। ১০ অক্টোবর প্রার্থনাসভার আয়োজন করা হয়েছিল। সেখানে সব ধর্মের শান্তিপূর্ণ সহাবস্থানের কথা বলেন মায়ানমারের গুরুত্বপূর্ণ মুসলিম নেতা হাফিজ মুফতি আলি। রোহিঙ্গাদের মায়ানমারের নাগরিকত্ব না থাকায় তাদের কোনো প্রতিনিধি সেখানে হাজির ছিলেন না। রাখাইনে সেনা অভিযান শুরু হওয়ার পর এই প্রথম এত জোরালো ভাবে ধর্মীয় সহিষ্ণুতার বার্তা দিল সু কি-র দল। পর্যবেক্ষকের মতে, এনএলডি-র উপর প্রথম থেকেই বৌদ্ধ জাতীয়তাবাদের প্রভাব রয়েছে। ২০১৫ সালের ভোটে একজন মুসলিমকেও প্রার্থী করেনি তারা। কিন্তু রাখাইনে সেনা অভিযান শুরু হওয়ার পর ইয়াঙ্গনে প্রার্থনায় যেভাবে মুসলিম প্রতিনিধির আমন্ত্রণ জানিয়েছিল শাসকদল তা যথেষ্ট গুরুত্বপূর্ণ বলে মনে করা হচ্ছে।

ভারতের আর্থিক বৃদ্ধি নিয়ে বিরূপ রিপোর্ট

ওয়াশিংটন, ১১ অক্টোবর : বিশ্ব ব্যাংকের পাশাপাশি, এ বার আন্তর্জাতিক অর্থ ভান্ডারও (আইএমএফ) ভারতের আর্থিক বৃদ্ধি নিয়ে বিরূপ রিপোর্ট দিয়েছে। ভারতের আর্থিক বৃদ্ধির হারের যে পূর্বাভাস তারা আগে দিয়েছিল, তা থেকে তারা সরে এসেছে। গত এপ্রিল ও জুলাইয়ে প্রকাশিত ওয়ার্ল্ড ইকোনমিক রিপোর্টে তারা পূর্বাভাস দিয়েছিল, ২০১৭-এর শেষে ভারতের আর্থিক বৃদ্ধির হার হবে ৭.২ শতাংশ। কিন্তু সাম্প্রতিক রিপোর্টে বৃদ্ধির হারের মান ০.৫ শতাংশ কমিয়ে ৬.৭ শতাংশ হওয়ার পূর্বাভাস দিয়েছে। আর্থিক বৃদ্ধির হারের এ হেলা অবনমনের জন্য তারা দায়ী করেছে নরেন্দ্র মোদি সরকারের বিমূঢ়তার কথা এবং পণ্য পরিসেবা কর (জিএসটি) নীতি চালু করার কর্মসূচিকে। মঙ্গলবার ফান্ড ব্যাংক বার্ষিক বৈঠকের অনুষ্ঠানে প্রকাশিত ওয়ার্ল্ড ইকোনমিক আউটলুক-এ আইএমএফ দাবি করেছে, ২০১৫-১৮ অর্থবর্ষে ভারতের অর্থনৈতিক বৃদ্ধির হার কমে দাঁড়াবে ৬.৭ শতাংশে। মূলত গত বছর নভেম্বরে নোট বাতিল এবং চলতি বছরের জুলাইয়ে জিএসটি চালু করাকেই এর কারণ হিসেবে উল্লেখ করেছে আইএমএফ। এ ছাড়া, অর্গানাইজেশন ফর ইকোনমিক কো-অপারেশন অ্যান্ড ডেভেলপমেন্ট-ও (ওইসিডি) চলতি অর্থবর্ষে ভারতের অর্থনৈতিক বৃদ্ধির হার কমবে বলে ইঙ্গিত দিয়েছে। আর্থিক অধোগতির জন্য নোট বাতিল এবং জিএসটি-কে দায়ী করেছে এশিয়ান ডেভেলপমেন্ট ব্যাংক। একমাত্র সামান্য আশার কথা শুনিয়েছে বিশ্বব্যাংক। তারা বলেছে, চলতি বছরে ভারতের আর্থিক বৃদ্ধির হার ৭.০ শতাংশ হবে। তবে এটাও তাদের আশের পূর্বাভাসে দেওয়া হারের চেয়ে কম। ভারতের চলতি অর্থনৈতিক স্বস্তি নিয়ে ঠিক কী বলেছে বিশ্বব্যাংক? বিশ্বব্যাংকের পূর্বাভাস, ২০১৫-র ৮.৬ শতাংশ থেকে কমে ভারতের জিডিপি-র হার কমে ২০১৭-তে ৭.০ শতাংশ হতে পারে। বিমূঢ়তার এবং জিএসটি চালু করার জন্য এই পতন হতে পারে বলে তারা জানিয়েছে। একইসঙ্গে বেসরকারি লগ্নির ক্ষেত্রে যেসব বাধা এখনও রয়ে গিয়েছে, তার জেলেও অর্থনৈতিক অগ্রগতি ব্যাহত হতে পারে বলে বিশ্বব্যাংক আশঙ্কা প্রকাশ করেছে। দক্ষিণ এশিয়ার অর্থনীতি সম্পর্কে য্যাল্যাসিক রিপোর্টে তারা এই বক্তব্য পেশ করেছে। বিশ্বব্যাংকের রিপোর্ট অনুযায়ী, ভারতের জিডিপি হার ২০১৫-১৬-র ৮.০ শতাংশ থেকে কমে ২০১৬-এ ৭.১ শতাংশ এবং ২০১৭-এ প্রথম ত্রৈমাসিকে তা আরও কমে ৬.৭ শতাংশ হয়েছে। তারা উদ্বেগের সঙ্গে বলেছে, ভারতের আর্থিক বৃদ্ধির হার কমার প্রভাব পড়বে গোটা দক্ষিণ এশিয়ায়।

আধার সুরক্ষা নিয়ে সওয়াল জেটলির

ওয়াশিংটন, ১১ অক্টোবর : আধার কার্ডে সংশ্লিষ্ট নাগরিকের ব্যক্তিগত তথ্য সম্পূর্ণ সুরক্ষিত। এ বিষয়ে আশঙ্কার কোনো কারণ নেই। মার্কিন মূল্যে বসে এ দিন আবারও এই কথা জানিয়ে দিলেন কেন্দ্রীয় অর্থমন্ত্রী অরুণ জেটলি। তিনি বলেন, সম্পত্তি, নাগরিকের ব্যক্তিগত গোপনীয়তার অধিকার নিয়ে দেশের শীর্ষ আদালত যে রায় দিয়েছে, তাতেও সুরক্ষিত রাখা হয়েছে আধার কার্ডকে। গত আগস্টে সুপ্রিমকোর্ট বলেছিল, ব্যক্তিগত গোপনীয়তা নাগরিকের মৌলিক অধিকার। কারণ, ব্যক্তির গোপনীয়তা তার জীবন ও স্বাধীনতার অধিকারের সঙ্গে অঙ্গাঙ্গীভাবে যুক্ত। শীর্ষ আদালতের ৯ বিচারপতির বেঞ্চ এই রায় দেওয়ার পর আধার কার্ড সংক্রান্ত কেন্দ্রীয় প্রকল্পের বৈধতা নিয়ে প্রশ্ন উঠেছিল। কারণ, আধার কার্ড তৈরি করতে গিয়ে বহু ব্যক্তিগত তথ্য বাধ্যতামূলকভাবে দিতে হয়েছিল সংশ্লিষ্ট নাগরিকদের। এ দিন জেটলি বলেন, ব্যক্তিগত গোপনীয়তা সংরক্ষণ শীর্ষ আদালতের রায়ের সঙ্গে আধার কার্ড কর্মসূচির কোনো বিরোধ নেই। কারণ, ব্যক্তিগত গোপনীয়তাকে মৌলিক অধিকার বললেও, এই বিষয়ে কয়েকটি ব্যতিক্রমী অবস্থার কথাও উল্লেখ করেছে শীর্ষ আদালত। সংবিধানের ২১ নম্বর অনুচ্ছেদেও বলা হয়েছে, বেআইনিভাবে নাগরিককে তার জীবন ও স্বাধীনতার অধিকার থেকে বঞ্চিত করা যাবে না।

পণ্য এবং পরিসেবা কর

জনগণের প্রতি আবেদন

বেআইনি বিদেশে তৈরি পটকাবাজি জীবন বিপন্ন করে এবং পরিবেশের ক্ষতি করে!

হুঁশিয়ারি

বিদেশ থেকে অবৈধভাবে আমদানি করা পটকাবাজিতে সালফার বা সালফিউরেটের সঙ্গে যেকোনো ক্লোরিট মেশানো যেগুলো বিপজ্জনক এবং নিজে নিজেই ফেটে যেতে পারে। এই ধরনের পটকাবাজি জীবন বিপন্ন করে, দুর্ঘটনা ঘটায় এবং পরিবেশের ক্ষতি করে।

ভারতে বিদেশে তৈরি বাজি মজুত রাখা এবং বিক্রি করা বেআইনি এবং আইনত দণ্ডনীয়।

আপনি জীবন বাঁচাতে পারেন, দুর্ঘটনা রোধ করতে পারেন ও পরিবেশ রক্ষা করতে পারেন।

সুরক্ষা ও নিরাপত্তার স্বার্থে বিদেশে তৈরি পটকাবাজি মজুত এবং/বা বিক্রি করার তথ্য থাকলে আপনার শহরে* এজিয়ারাধীন শুদ্ধ বা পণ্য ও পরিসেবা কর (জিএসটি) কর্তৃপক্ষকে জানান।

এই ধরনের অবৈধ বিদেশি পটকাবাজি রোধ এবং অনুসন্ধানের কেন্দ্রীয় এবং রাজ্য কর্তৃপক্ষগুলো তৎপর।

গত তিনবছরে শুদ্ধ কর্তৃপক্ষ ৪১টি মামলা রুজু করেছে, যেখানে ১০৪ কোটি টাকা মূল্যের বিদেশি পটকাবাজি বাজেয়াপ্ত করা হয়েছে।

গ্রেফতার হয়েছে ১৬ জন।

এই দীপাবলিতে কেবলমাত্র ভারতে তৈরি প্রোডাক্টই ব্যবহার করুন।

*বিশদে জানতে 'যোগাযোগ করুন' www.cbec.gov.in-এতে

অন্তঃশুদ্ধ এবং সীমান্তকের কেন্দ্রীয় বোর্ড ও রাজ্য/কেন্দ্রশাসিত অঞ্চলের বাণিজ্যিক কর বিভাগসমূহ www.cbec.gov.in, www.cbec-gst.gov.in

দাপ: 15502/13/0238/1718

উৎসব ঘিরে হোক আনন্দের প্রাপ্তি

মাননীয় মুখ্যমন্ত্রী

মমতা বন্দ্যোপাধ্যায়ের অনুপ্রেরণায়

শারদোৎসব, দীপাবলী এবং ছট পূজো উপলক্ষে খাদ্য ও সরবরাহ দপ্তরের বিশেষ উদ্যোগ

অন্ত্যায় অন্নয়োজনার উপভোক্তারা এবং বিশেষ অগ্রাধিকার প্রাপ্ত পরিবারেরা তেল, ময়দা এবং চিনি পাবেন নিম্নলিখিত বিশেষ দামেঃ

- ১ লিটার কাচ্চিঘানি সরষের তেল ৯১.৫০ টাকা
- ১ লিটার রাইস ব্র্যান তেল ৭৯.৫০ টাকা
- ভতুকিয়ুজ ৫০০ গ্রাম ময়দা ২২ টাকা কিলো দরে
- ভতুকিয়ুজ ৫০০ গ্রাম চিনি ৩৮.৫০ টাকা কিলো দরে

• পরিষেবার প্রথম পর্যায়- ১৫ সেপ্টেম্বর থেকে ২৭ সেপ্টেম্বর, ২০১৭

• পরিষেবার দ্বিতীয় পর্যায়- ১১ অক্টোবর থেকে ২৫ অক্টোবর, ২০১৭

— বিশদে জানতে —

ওয়েবসাইট: www.wbpds.gov.in | ফোন: ১৯৬৭ অথবা ১৮০০-৬৪৫-৫৫০৫ (সকাল ৮টা থেকে রাত ৮টা) এ ছাড়া মহকুমা বা জেলা খাদ্য নিয়ামকের সংশ্লিষ্ট ব্লক অফিসে যোগাযোগ করতে পারেন।

খাদ্য ও সরবরাহ দপ্তর, পশ্চিমবঙ্গ সরকার

...আই সি এ-২০০৬(৭)/২০১৭...